

東華錄

康熙八十八

臣王先謙敬編

臣周潤蕃恭校

秋七月庚戌諭大學士等張鵬翮超世顯任總河以來河工底績
今由水路行者不復聞有涉險之艱于成龍任總河時朕南巡自
清口步行十餘里將應修築處皆釘椿標記朕回鑾後于成龍竟
不修築故致河道大壞爲此朕將于成龍帶去司官赫碩色擬成
死罪後授張鵬翮爲總河朕諭之曰爾但遵朕訓諭而行儻有差
誤朕不汝咎張鵬翮照朕指授修築故今河工底績更無可虞之
處○辛亥以葉九思爲戶部左侍郎由安徽巡撫遷○移温州府城守副
將駐防嘉興府嘉興府左營守備駐防海鹽縣改嘉興府遊擊爲
温州府城守遊擊温州府中軍都司爲中軍守備○丙辰 上行

東華錄

康熙八十八

一

圍發熱河

八月辛酉調梁世勳爲安徽巡撫以陳元龍爲廣西巡撫

由吏部
左侍郎

遷○諭大學士等頃者梁世勳奏請復熱審減等例朕聽政多年
惟日孜孜期又安萬姓故凡發政施令務以真誠爲尙儻矜憫犯
法之人博取虛名夏則遇熱而審冬則遇寒而審不時遣官恤刑
將督撫審擬案件頻飭堂司官分行駁改則貽累於兵民官驛糜
費於迎送餽遺互許多端不知作何底止督撫之專責首在敦厚
風俗導民於善不時訓飭有司簡清詞訟速結案件不因細事多
繫無辜以致蕩析家貲逃匿流亡卽爲良吏雖不熱審亦無所害
使不清本原不愛黎庶徒以熱審爲言則各省刑獄之事未至熱
時而審結者甚多是有熱審之名而無其實益滋煩擾矣梁世勳
不諳事體輕重冒昧具奏殊屬不合理應從重治罪但念伊係無

奏姑從寬免又諫曰太平之時不宜屢赦罪犯執法之人若將不應宥之人宥之則奸徒逞欲怙惡不悛矣○福建陸路提督藍理奏福建所屬永春德化二縣交界地方有盜首陳五顯等倡勸愚民二千餘人入夥搶奪百姓拒嫡官兵臣令參將尙之璿統領官兵往緝兩次遇敵殺賊八十餘人中傷脫逃者不計其數盜黨張辰王富蘇標俱已投到其附近賊巢村民仍不廢耕織照常安業惟陳五顯脫逃後拏獲正法得旨督撫提鎮等平日不能體恤百姓訓練兵丁及有事又不能相機速行勦擒縱容盜賊滋蔓騷擾地方肆行搶奪且遲延日久不將其事奏聞乃稱百姓不廢耕織照常安業夫強盜竊盜多至三四十人百姓尙畏懼逃避況數千民人爲盜槍奪豈得謂百姓不廢耕織安居樂業乎此係伊等掩飾已過希圖卸罪以行誣奏著該部嚴察議奏（庚午 高

宗純皇帝生○癸酉轉吳一蜚爲吏部左侍郎調胡會恩爲吏部

右侍郎

由調

○以王原祁

翰林院掌院學士兼禮部侍郎

由遷

○庚辰

上駐蹕鄂爾楚克哈達是日哨獲大鹿十一隻船廠佐

領那柳不勝驚異奏曰臣生長本地一日獲十一鹿者臣實未經

見真神奇也 上曰朕從來哨鹿行圍多所殺獲何神奇之有○

壬午以胡作梅爲禮部右侍郎

內閣學士遷

○予故戶部左侍郎張世

爵祭葬○乙酉禮部議准江南學政張元臣奏子游在聖門十哲

之列其後裔世居常熟縣請照閩子子官例世襲五經博士從之

九月己丑賜來朝外藩鞍馬銀幣及隨圍官兵銀布○辛卯 上

還熱河○壬辰兵部議覆福建陸路提督藍理係封疆大臣縱容

盜賊滋蔓搶奪擾民不能招撫又遲延日久不行奏聞反巧行粉

飾誑奏革職交刑部治罪總督 時崇巡撫黃秉中漳州總兵

官。鳳汀州總兵官陳有功照溺職例俱革職得旨監理前奏福建水師提督有吳英陸路提督有臣料理地方可保甯謐儻猶有盜賊之事臣無面目再覲天顏等語今賊盜竊發不能卽行勦撫縱容迄今尚未盡獲且臣官不端殊爲溺職著革職從寬免交刑部。范時崇黃秉中許鳳陳有功俱從寬免革職著各降五級。戴罪圖功盜賊務令盡行拏獲如不能盡行拏獲再加議罪。○戊戌設四川新樁土官宣慰使二宣撫使二安撫使七長官司五千戶二十一一百戶七十六○辛丑 上奉 皇太后回鑾○癸卯刑部議覆尚書蕭永藻察審四川加派一案原任布政使卞永式徵收錢糧每兩加派銀一錢二分除送原任四川巡撫能榮等銀二萬二百兩外共計入己銀二萬七千四百兩有奇。照律擬絞已經病故毋庸議。能泰身爲巡撫屬官私派不行覺察又身受贓銀應照

例擬絞監候秋後處決從之○丙午停今年秋決○理藩院右侍

郎拉都爾蘇事降調○戊申 上奉 皇太后還京師○甲寅以

博音岱爲理藩院右侍郎

山內閣學士

凌紹雯爲內閣學士

由少詹事遷

冬十月丙辰戶部議覆福建巡撫黃秉中奏臺灣府屬地畝向徵

稻穀並無額編銀兩其應徵本色稻穀請應一體蠲免查此項錢

糧該撫應於春夏開徵之前即行奏請遲至秋季方行具奏應不

准行得旨臺灣府屬五十年應徵稻穀已經徵完在官雖蠲免於

小民無益其應徵康熙五十一年稻穀著行蠲免○刑部等衙門

奏太原府民陳四等鳩黨搶奪繞行陝西湖廣貴州等省一案應

將爲首陳四擬斬立決爲從陳六等三十六名及婦女三十六口

俱發往黑龍江給披甲人爲奴得旨陳四著即處斬其餘犯及婦

女人二分別發往白都訥富古塔爾根黑龍江給披甲人爲奴

行文各該將軍嚴加拘守勿致脫逃如有一二脫逃者卽行奏聞
上召三省原任督撫禮部尚書貝和諾刑部尚書齊世武郭世
隆工部尚書陳誥左都御史趙申喬詰問縱容滋蔓陳四等情由
各免冠引罪工部察議尋部議陳四等在湖廣藏姦巡撫陳誥不
卽行緝拏縱往別省又在陝西行走巡撫齊世武並不查拏卽照
溺職例革職湖廣總督郭世隆偏沅巡撫趙申喬照該管上司例
各降四級調用雲南貴州總督貝和諾不行奏聞照例降一級調
用其陳四經過州縣各官應行文該督撫查參得旨陳誥齊世
武俱降五級留任郭世隆著革職趙申喬著降四級留任貝和諾
著降一級調用餘依議（丁巳以嵩祝爲禮部尚書由都統遷○戊午
諭戶部前四十九年所頒部令原欲將五十年天下錢糧通行蠲
免以諸臣集議恐需用兵餉撥解之際兵民驛遞益致煩苦故自

五十年爲始三年之內全行一週除將直隸奉天等九省康熙五十年地丁錢糧一概蠲免及歷年舊欠錢糧一併免徵外山西河南陝西甘肅湖北湖南各屬除漕項外五十一年應徵地畝銀共八百四十萬四千兩有奇人丁銀共一百二十萬八千一百兩有奇著察明全免並歷年舊欠共五十四萬一千三百兩有奇亦俱著免徵其康熙五十二年應蠲省分至期候旨行民間舊欠既經豁免嗣後每年額徵錢糧務如數全完儻完不及額或有虧空託稱民欠卽責令督撫以下官員償補仍從重治罪該督撫須實心力行期副朕惓惓愛民之意○辛酉十永譽以病乞休允之調李旭昇爲刑部左侍郎由江○辛亥以馬良爲內閣學士由光祿寺卿遷○兵部奏福建臺灣續行官民捐輸酌量優獎以資鼓勵等因奉旨該部知道欽此○

日臺灣總兵官陳璘等奏請將捐輸官民分別優獎以資鼓勵等因奉旨該部知道欽此○

遣人往問大學士李光地並曉諭福建總督等該省武官內好者
卽行薦舉勿致隱漏如果伊等據實具奏則福建省官員知賢否
皆能上達咸勉力相率爲好官矣如監理兇惡盈滿狀始聞而譴
革之儻當伊罪惡未著之前先行罷黜於地方豈不更有裨益耶
定海總兵官吳郡居官甚優實心效力今署理江南提督事務江
南人亦皆稱道此人不可調補臺灣朕欲留俟緊要處提督用之
著於列名應調補人內舉奏○江南正主考官都御史左必蕃奏
臣典試江南微聞後聞輿論喧傳有句容縣知縣王曰俞所薦之
吳泌山陽縣知縣方名所薦之程光奎皆不通文理之人臣不勝
駭愕或係傳遞代作文字或與房官打通關節亦未可定祈將新
中舉人吳泌程光奎或提至京覆試或發督撫嚴訊以正國法而
肅科場至臣不能查出非亦難辭得旨該部嚴察議奏○丁卯左

都御史趙申喬奏參翰林院編修戴名世妄竊文名恃才放蕩前
爲諸生時私刻文集肆口游談倒置是非語多狂悖今身膺恩遇
叨列巍科猶不追悔前非焚削書板似此狂誕之徒豈容濫廁清
華祈敕部嚴加議處以爲狂妄不謹之戒得旨這所參事情該部
嚴察審明具奏○辛未諭大學士等天文厠法朕素留心西洋脉
大端不誤但分刻度數之間久而不能無差今年夏至欽天監奏
聞午正三刻朕細測日影是午初三刻九分此時稍有舛錯恐數
十年後所差愈多猶之錢糧微塵杪忽雖屬無幾而總計之使積
少成多此事實有證驗非比書生作文可以虛詞塞責也○轉阮
爾訓爲工部左侍郎以劉謙爲工部右侍郎由通政使遷○乙亥以李
荪爲廣西布政使由雲南按察使遷○九卿遵旨議奏直隸各省生員舉
人額數屢增赴考士子較前倍衆因揭曉期迫考試官不能細心

徧閱草率錄取以致遺失佳卷嗣後會試揭曉寬於三月十五日內鄉試揭曉大省寬於九月十五日內中省寬於九月初十日內小省寬於九月初五日內直隸江南浙江鄉試人數倍於他省照會試例加用房官二員限期既寬主考官之薦卷亦令徧閱庶不至遺失佳卷從之○丙子貴州布政使張建績緣事革職○刑部等衙門議覆大理寺卿張志棟等察審浙江督糧道程鑾私改折漕一案應將程鑾照例革職未免平糶米銀著落程鑾及原任浙江巡撫今調福建巡撫黃秉中賠補運官李斌等欠平糶米腳價銀兩亦著落程鑾追還交倉儻有不敷仍在程鑾黃秉中名下追補至黃秉中照程鑾所詳批行不行奏參顯係通同作弊黃秉中亦照例革職從之○丁丑江蘇巡撫張伯行奏今歲江南文闈榜發後議論紛紛於九月二十四日有數百人擡擁財神直入學宮

口稱科場不公臣不敢隱匿相應奏明得旨該部嚴察議奏○戊寅諭禮部朝鮮國王李焞自襲爵以來慎守封圻恪遵儀度歲時貢獻方物克殫惓忱四十餘年未嘗少懈其國中之事稍有關係者必奏明仰請定奪罔敢隱諱每於欽差人員竭盡小心倍加敬禮且撫恤國人善於愛養所屬雖不悅服朕用是深爲嘉美既嘗曲示恩誼值彼地饑饉又自海洋運米賑濟故舉國人衆至今猶深感戴朝鮮貢物朕屢次裁減以至甚輕但國小地隘其年例貢物內有白金一千兩紅豹皮一百三十二張猶恐艱於備辦嗣後將此二項永停貢獻又聞朝鮮國使沿途館舍盡皆傾圯難以止宿歷年進貢奏事人員甚爲勞瘁著令各該地方官修葺堅固用副朕加惠遠人至意○庚辰諭八旗及部院衙門大臣各將灼知確見大臣以下閒散人以上篤行孝義者署名保奏嗣本願無有

別旗有之願保奏者亦著保奏如大學士溫達尙書穆和倫富甯

安之孝不但衆人俱知卽朕亦深知之孝者百行之首果有篤行

孝義之人爾等不可謂無由得知也○以綽奇爲福建巡撫

由左副都

御史

○辛巳諭大學士等今年秋審人犯較之往年大減自康熙

十三年以來奏章一日至二百餘件今亦大減於前矣○甘肅布

政使阿米達丁母憂命回旗守制○壬午 上御暢春園召入諸

王大臣等諭曰今諸大臣有爲皇太子而援結朋黨者諸大臣皆

朕擢用之人受恩五十年矣其附皇太子意將何爲也此事惟鄂

繕知之遂召出都統鄂繕及尙書耿額齊世武問之鄂繕叩首奏

曰臣蒙 皇上綽擢用厚恩若果知此豈敢隱諱耿額奏曰臣

實不知知之敢不陳奏齊世武奏曰臣於各處並不行走此事誠

不知也 上曰朕聞之久矣因訪詢未得其實故遣人追問都圖

云今有人首告供出爾黨爾據實奏聞不然將爾族誅所以都圖俱開寫陳奏矣遂出都圖所奏摺又將包衣達張伯良縛出令其在副都統內認看召出副都統悟禮問張伯良曰實有此人乎張伯良奏曰是實 上問張伯良曰有楊岱乎張伯良奏曰有一年老都統 上問都統迂圖曰爾知鄂緒行事否迂圖奏曰鄂緒在衆前常言感激 皇恩欲行效力其曖昧事臣不得知又問曰有汝否迂圖奏曰無 上顧鄂緒曰朕不得實據豈肯屈無辜之人爾等謂朕年高激結黨與肆行無忌今在朕前爾等能行何事且有何顏面仰視大日諸臣等不入爾黨者甚多爾等視之甯不愧乎悟禮奏曰臣蒙 皇恩授爲副都統又身係宗室豈肯行此等事臣居宅與鄂緒宅近鄂緒曾具酒食延臣是實並無與伊等結黨之處齊世武奏曰臣性不能取悅於人素無朋友久在 皇上

洞鑒之中不知都圖爲何仇憾扳臣此等之事臣並不知惟有鄂
繡延臣用飯一次臣亦延鄂繡用飯一次若果結朋黨自當族誅
上曰爾云各處俱不行走爲何又供出彼此延請之事齊世武
奏曰鄂繡之母係佟氏以舅呼臣故有彼此延請之事 上曰齊
世武乃最無用之人犬豕不如伊等將如此齷齪之人援入黨內
有何益處又指耿額曰耿額乃索額圖家奴在烏喇時詔媚索額
圖饋送禮物於索額圖案內卽應誅戮朕特宥之今乃負恩造謀
結黨伊等所行皆由於耿額耿額叩首奏曰臣家 皇上隆恩苟
有此事卽當凌遲 上曰索額圖之黨竟不斷絕俱欲爲索額圖
報復豈伊等祖父皆索額圖之奴僕乎此事正黃旗大臣無不知
之又指鄂繡額諸王曰曩者鄂繡自謂爲鄂爾羅氏欲入朕之旗
分內朕不俞允隱之至今未一明言伊並不思朕之恩德反結朋

黨妄行洵不肖之人也又諭曰凡人有所甚愛之子亦有所不甚愛之子奴僕中有親近用之者亦有不親近用之者爲人子爲人奴僕豈可不安分而妄行乎以酒食會友有何妨礙此不足言伊等所行者不在乎此夫效力者在行間用命方可謂之效力如都統能操練旗兵護軍統領能訓練護軍前鋒統領能訓練前鋒文臣能潔己辦事此可謂之效力伊等欲因皇太子而結黨者何也皇太子朕之子朕父子之間並無他故皆伊等在其間生事耳此等小人若不懲治將爲國之亂階矣伊等著監禁在宗人府都圖不久卽到俟其到時卽行質審鄂繼耿額齊世武悟禮著鎖拿○以遲所爲貴州布政使由湖北接段志熙爲雲南按察使江江西

○甲申福建巡撫綽奇未赴任丁父憂命仍留左副都御史原

任○乙酉賜八旗步軍白金

十一月丙戌朔禮部議覆江南科場一案應行文該督撫將舉人吳淦等解京請旨覆試如果文義不通即將情弊嚴審究擬得旨這事情著張鵬翮會同江南江西總督江蘇安徽巡撫在揚州地方徹底詳察嚴加審明具奏左必著趙晉俱著解任發往質審○以殷特布爲兵部尚書由左都御史遷哈山爲刑部尚書由吏部左侍郎遷○丁亥以牟欽元爲湖北按察使由山東兗道遷○戊子以覺羅滿保爲福建巡撫由內閣學士遷○壬辰以吳一岳爲刑部尚書由吏部左侍郎遷滿篤爲左都御史由兵部左侍郎遷廖騰燧爲左副都御史由奉天府府尹遷二郎保爲內閣學士由內閣侍讀學士遷調孫柱爲吏部左侍郎由盛京工部調○乙未諭大學士等天壇大祭朕親行禮曾有諭旨嗣因朕躬少有違和大臣等再行奏阻故下旨遣大臣恭代朕則照舊齋戒中日來朕躬安好如常必親祭方展誠心朕仍親詣行禮大臣等不知朕意或